

光緒重修天津府志

重修天津府志卷二十一

考十二

輿地三

隄閘 津梁

按近代治河專以隄防爲主津屬五大河以至海河新舊隄閘不可勝數今一仿新通志以經河標名依次彙敘庶使脈絡分明其不屬經河諸隄仍各歸轄境分列以符全書通例

北運河諸隄

運河東岸隄自香河縣牛牧屯曲折入縣界至隄頭村長一百八十一里西岸隄自廢灤縣塢頭至蒲溝入縣界至桃花店長一百六十九里由桃花店南至祇樹園以疊道代隄又由祇樹園至新莊

遙隄長四十五丈由新莊至三官廟月隄長七十

丈

天津縣志

塌河淀隄在天津縣東北周約百里其西北有隄

自何家莊樓接武清縣界起至孤雲寺北運河東

隄止長十八里有奇其東北有隄自韓盛莊接武

清縣界起至西隄頭止長二十里有奇乾隆五年

修築

新通志

賈家沽口引河隄有道隄有引河隄俱長二十四

里有奇乾隆五年築

陳家溝新引河隄自陳家溝至塌河淀邊兩岸長

三千七百餘丈又接塌河淀至薊運河西岸長一

萬四千一百餘丈同治十三年築

俱同上

瞿黃口隄自河東關帝廟起至三取書院前止長二百四十餘丈康熙五十七年士民建書院於隄

口有碑記

天津縣志

僅兒港減河隄在武清縣東北運河東岸自閘口

起至海廠止北隄長三十一里有奇又自閘口起

至張五莊止南隄長三十一里有奇又自張五莊

起至孤雲寺止長四十里康熙三十九年築天津

縣主簿分管光緒七年重修

新通志

運河兩岸草壩西岸草壩一在下坡店武清縣主簿分管一在張家莊一在王家鋪皆王家務把總管一在火燒屯一在觀音堂皆武清縣北汛縣丞分管一在楊村一在馬家莊皆楊村南汛把總分管東岸草壩一在三里淺卽以三里淺把總分管一在東楊村武清縣楊村縣丞分管一在泃溝一在趙家莊一在孤雲寺皆泃溝千總分管

同上

永定河諸隄

鳳河隄埝雍正十一年始築鳳河東隄下段自天津縣韓家樹起至雙口村止長十二里以防渾水

東注乾隆五年接築中段自雙口起至武清縣龐
家莊止長十四里十九年接韓家樹東隄尾起至
桃花寺止築斜堰一道長七里三十六丈二十一
年接築上段自武清縣陳辛莊起至龐各莊止長
三十三里九分通長五十九里一百六十五丈三
十七年建涵洞二處洩斜埝以北滙水四十六年
因斜堰逼近清河常被汕刷改由東隄四十八號
起至天津桃花口北運河西岸止添築斜堰長七
里三十丈其東隄四十九號以下及舊斜埝均廢
原編六十號自是只管四十八號其一號至三十

七號一百七十七丈武清縣境以下天津縣境

新通

韓家樹橫埵在天津縣西北十五里起自韓家樹
北接鳳河東埵迄於桃花口之西沽又疊道長八
里乾隆十年築

格淀隄一名隔淀大隄乾隆十年初建自大城縣
莊兒頭起歷靜海縣抵天津縣西沽止長八十四
里高九尺寬二尺至三十二年又自文安縣三灘
里起至格淀隄莊兒頭止接築隄二千七百七十
二丈及三十七年又將子牙河格淀改爲疊道埵

設涵洞

廣福樓橫隄卽黑龍港下游也自大城縣小店村涵洞中界北起至廣福樓青縣界止長十里九分四釐乾隆五年築

張洪橋隄子牙新河隄也東岸自東隄頭接張洪橋隄北至靜海縣東灘子頭長十七里有奇西岸自廣福樓南起至靜海縣中灘子頭長十七里有奇

青縣古隄青縣護城隄舊志稱周城北西南三面今則惟西北兩面尙存遺址

滹沱別河隄青縣志稱爲滹沱故道隄東岸南接
交河縣入青縣界自劉家莊前起北至趙官營後
止長四十二里西岸自劉家莊前起北至流來堂
止長三十五里又接趙官營北至引河尾隄長四
十五里接流來堂北至金家營東支黑龍港口隄
長五十一里乾隆五年又於西岸修月縷各隄共
十八段南自後流來堂起北至戴家圈止長二千
二百六十丈乾隆十年又自第六鋪接大城境至
王家場交天津縣界止築隄三十六里

子牙河故道東隄南自引河尾起北至廣福樓前

道口止長三十六里五分乾隆六年築又自廣福樓前起至大黃窪後靜海縣李家莊窠止長十二里

子牙河東大隄青縣志自廣福樓村前起北至小河店後接大城縣界止長十里三分又自大城縣界起歷靜海縣界閭兒莊北至大瓦子頭盡處長三十七里六分俱康熙三十九年築又自廣福樓南至張洪橋止長二千五百十四丈乾隆六年築子牙新河隄兩岸俱自青縣廣福樓北起入靜海縣界東岸至李官屯止長十五里西岸至吳家莊

窩止長十四里又接築東岸子牙分溜合黑龍港入老君泊之隄其西自中灘子頭起北至賈口止長三十九里有奇俱民修

賈口橫隄自東賈口起接子牙新河東隄頭至王家營止長七里五分乾隆五年築以禦老君泊之水

東支黑龍港隄南自金家營起至張洪橋止長四千三百六丈四尺乾隆五年築民歲修青縣志乾隆二十九年奏開引河導滹沱穿是隄北流東岸隄工同時修築而張廣莊至金家營舊隄八里五

分遂爲緩工不加培補按黑龍港上游並中西兩支皆係疏洩積水並無隄埝

格淀隄自當城以西爲子牙河通判管轄當城以東天津同知管轄及三十七年尙書裘曰修總督周元理以格淀隄衝坍奏請改爲疊道增建涵洞並於坦坡灑種荑稗以護隄根

獨流疊道係自津赴省大路舊有大橋一座涵洞三座乾隆八年又添建七空橋一座因地勢窪下連年子牙河汎水漲發直注獨流鎮疊道時被衝刷故於二十五年又添五空橋一座於嘉慶十一

年又增修木橋四座

王二莊疊道在靜海縣西南自三禪坊起至子牙鎮止長十二里有奇舊有疊道爲子牙河溜衝決乾隆十六年重修復被衝刷

大紅橋攔水壩在天津縣子牙河下口長十八丈嘉慶十一年築又子牙岔支引河在紅橋東亦有攔水壩長九丈同時築

廣福樓隄涵洞在子牙河大隄上乾隆二年建又橫隄涵洞二座一屬大城一屬青縣俱乾隆五年建以瀉交河等村瀝水

朱家窪滾水石壩石閘壩在靜海縣境貓兒莊子
牙河之東隄上乾隆十八年建閘在大城縣間兒
莊亦屬東隄十九年總督方觀承請建

張洪橋涵洞一在東支黑龍港東隄一在金家營
一在李豹莊皆乾隆五年建以消十里窪中積水
俱同上

府境河道隄工分轄

前志

天津靜海青縣三邑南運河隄工隸津軍同知管
轄

青縣靜海二邑東子牙河新河淀河隄工隸三角

淀通判管轄

滄州南皮縣南運河隄工隸天津府駐滄州糧捕
通判管轄

按青縣靜海東子牙河新河淀河一帶隄工原隸
河閒府河捕同知雍正十一年河院題准隸三角
淀通判管轄又滄州運河減河工程原隸津軍同
知南皮縣隄工原隸河閒府泊頭通判管轄乾隆
三年題准改隸天津府駐滄州糧捕通判管轄
南運河分汛

天津縣東西岸共長八十四里內分文武二汛額

設河兵四十一名

縣丞汛分管東岸北自渠黃口起南至碾坵嘴止計長四十二里分管河兵二十七名

把總汛分管西岸北自香林苑起南至碾坵嘴止計長四十二里分管河兵十四名

靜海縣東西兩岸共長二百零六里內分文武三汛額設河兵一百零三名

良王莊把總汛分管東岸北自碾坵嘴起南至田家隄止計長二十九里西岸北自碾坵嘴起南至喬家隄止計長二十九里分管河兵三十名

主簿汎分管東岸北自田家隄接界起南至陳官屯止計長四十一里西岸北自喬家隄接界起南至蘇家隄止計長四十一里分管河兵四十名

管河千總汎分管東岸北自陳官屯接界起南至馬廠止計長四十六里西岸北自蘇家隄接界起南至胡家新莊止計長二十里分管河兵三十名青縣東西岸共長一百八十一里內分文武三汎額設河兵一百名

管河千總汎分管西岸北自趙家窪起南至佟家洞溜止計長二十八里分管河兵十名

主簿汛分管東岸北自馬廠起南至審子口止計
長四十一里西岸北自佟家洞溜起南至鮑家嘴
止計長三十四里分管河兵四十五名

巡檢汛分管東岸北自審子口接界起南至于官
屯止計長二十二里西岸自鮑家嘴接界起南至
河窪止計長五十六里分管河兵四十五名

滄州東西岸共長九十五里半內分文武二汛額
設河兵一百九名

州判汛分管東岸北自安堵淺起南至佟家墳止
計長二十九里西岸北自河窪起南至蓮花池止

重修天津府志 卷二十一 隄防 九
計長十一里半分管河兵五十四名

把總汛分管東岸北自佟家墳接界起南至甌河
大寺前止計長二十八里西岸北自蓮花池接界
起南至好漢墳止計長二十七里分管河兵五十

五名

俱同上

南皮縣

主簿汛分管西岸南自十二里隄接東光縣界起
北至大廟接新設把總汛界止計長五十九里額
設河兵三十一名

按以上皆分巡天津河道所轄合交河東光吳橋

景州故城清河六州縣共計十一州縣運河長一千九十餘里現在官隄六百餘段歲修搶修工程額領水利銀一萬五千兩向設淺夫八百九十八名半康熙十五年裁汰四百四十名乾隆三年總河劉於義題准淺夫改爲河兵六百名分佈沿河十一州縣防汎南河每名歲給銀十四兩四錢器具銀八錢河兵例堆土牛北河無之經天津道張坦熊額令十一州縣共堆土牛以防水泛又設河兵堡房一百四十餘間以蔽風雨又令河兵冬春之交各栽柳樹今十一州縣柳圍三四或七八不

等又乾隆三年五月奉

旨將直隸河兵改爲戰一守九俾椿埽手得食戰糧欽遵
在案

子牙河大隄

青縣南自張宏橋起北至小河村靜海縣界止計
長二十四里主簿管轄

靜海縣南自小河村與青縣接界處起至北大瓦
子頭止計長三十二里主簿管轄

子牙河新河

青縣東岸南自廣福樓道口起北至李官屯與靜

海縣交界止計長十五里西岸南自廣福樓起北至吳家莊窠與靜海縣交界止計長十四里主簿管轄

靜海縣東岸南自張村與青縣交界起北至東賈口止計長三十八里西岸自中灘子頭與青縣交界起北至谷家莊止計長三十九里主簿管轄

附隄堰

興濟鎮村北減水河一道壩座金門五空長八丈減河自壩口起至大波口止計長九十二里兩岸築有土隄係雍正四年開建自壩口起至界壕止

係青縣管轄自界濠起至大波口止係滄州管轄
捷地村南減水河一道壩座金門五空長八丈減
河自壩口起至劉三家莊止計長一百一十里兩
岸築有土隄係雍正四年開建

蔡啟盛案以上隄壩至今歷變雖未能向道署查
案備載此已見前志者固應悉存故實因補錄之
此外上下
悉仍初稿

南運河諸隄閘按南運河隄起交河縣日日字三

字一號至三十七號止

十八號起至六十六號止長二十七里有奇分四
十一段有險工三第四段大李家樓隄迎溜頂沖
第十五段翦子屯月隄第三十五段白洋橋月隄

俱迎溜掃灣

新通志

東岸月字號南皮縣隄自洪字二十五號十二里口北至大廟長四十六里分七十五段有險工六第十四段蕭家圈官隄頂沖汕廩第十六段蕭家圈民隄頂沖掃灣第十九段段家隄北第五十三段殷家隄第三十六段劉家隄俱掃灣第四十四段張家河月隄對溜頂沖

滄州隄又自大王廟前起入境至甌河寺南長二十里有奇分三十九段有險工八第一段大廟隄頂沖第四段西邢莊月隄第五段薛家窩隄第七

段東邢莊隄第十六段小無名月隄俱掃灣第二
十段娘娘廟前縷隄掃灣頂沖第三十二段無名
淺縷隄掃灣第三十七段三官廟西河岸頂沖掃
灣

東岸盈字號滄州隄自甌河大寺至佟家墳長二
十七里分三十二段有險工一第十九段回回灣
月隄掃灣又自佟家墳起至高官屯北交青縣興
濟汛長三十八里分六十五段有險工六第二十
七段堡子前河岸第四十一段大朱家墳月隄第
四十五段南橫隄老月隄第四十五段褚官屯南

老月隄俱掃灣第四十五段褚官屯月隄頂冲第六十四段北安堵淺月隄掃灣

西岸戾字號滄州隄自日字六十六號南皮東北界好漢墳北起至滄州蓮花池長二十九里分三十段有險五第六段飲牛淺月隄第十二段蕭家莊東月隄第十三段蕭家莊東北遙埝第十七段流佛寺前縷隄第十九段流佛寺東月隄五處皆掃灣又自蓮花池至河窪莊交興濟汛長十三里分二十四段有險工五第一段蓮花池縷隄掃灣第六段石塘淺月隄頂冲第十三段棗寺前月隄

第十段戴家園遙隄第十九段楊家窪縷隄俱掃灣

東岸辰字號青縣隄自興濟汎南于官屯起至林官屯止長十八里有奇分二十五段有險工二第八段陡立曰興濟鎮渡口第二十段小張家淺北俱掃灣又自林官屯起至後馬廠交靜海縣界止長四十里分五十五段有險工八第七段譚缺屯西遙隄第八段譚缺屯北遙隄第十一段柳苗屯北遙隄第二十三段唐家窪遙隄第三十一段外八里唐月隄第四十六段界宿淺遙隄第四十八

段堡子前縷隄第五十二段後馬廠縷隄八處皆
掃灣

西岸宿字號青縣隄自河窪北起至鮑家嘴止長
二十六里分七十七段有險工八第四段鄧大圈
縷隄第七段劉家院縷埝俱掃灣第十段花園後
縷隄頂沖外坑第十八段邢家莊前土埝第二十
八段姚家莊後遙隄第六十五段暨六十六段皆
二道溝縷隄第七十五段劉家墳南隄俱掃灣又
自鮑家嘴起至北蔡莊止長三十二里分二十七
段有險工七第一段鮑家嘴縷隄第二段鮑家嘴

北遙隄第八段胡家莊月隄俱掃灣第十二段劉家墳月隄頂沖掃灣第二十段南蔡莊北遙隄頂沖第二十七段北蔡莊北遙隄掃灣又自北蔡莊至趙家窪止長三十二里有奇分五十三段有險工九第五段蕭家莊南老埝掃灣外窪第九段流河鎮河岸頂沖掃灣第十一段元帝廟前樓隄第十六段小屯西老埝第二十六段曲家莊樓隄俱頂沖掃灣第三十二段馬集樓埝迎溜第三十四段林家莊北樓埝頂沖掃灣第三十五段張家官屯遙隄頂沖第四十段佟家園樓隄迎溜頂沖。

西岸列字號靜海縣隄自趙家窪起至曹家圪塔
止長二十里分二十四段有險工二第二十段釣
臺北月隄第二十一段鄒家嘴河岸迎溜又自曹
家圪塔起至大井止分七十四段有險工七第十
段程家樓隄第十五段蕭蘆樓隄俱頂冲掃灣第
二十三段莫家樓隄掃灣第三十七段遠家院樓
隄第五十二段大谷樓隄第六十七段小劉
家樓隄第七十四段喬家樓隄俱頂冲掃灣又自
大井起至碾坨嘴口止分工六十六段有險工五
第十段大劉家樓隄第二十九段曹家樓隄俱頂

冲掃灣第三十五段孫家樓隄迎溜頂冲第四十三段臧家樓隄頂冲掃灣第五十八段桑園後樓隄掃灣

南岸寒字號天津縣隄自碾坨嘴接良王莊汎東至教場東頭止又東接海河南岸長四十二里有奇分九十六段有險工二第十八段大蔣家莊後樓隄第五十段小園南樓隄俱掃灣

北岸來字號天津縣隄自碾坨嘴接良王莊把總汎東至獅子林以下不設隄埝俾運河之漲得分洩於子牙入淀也亦長四十二里有奇又東則爲

海河疊道矣

俱同上

海河疊道自城東南馬家口起歷靳家園梁家園
賀家口土城茶棚陳唐莊何家園閭灰堆五里墩
雙港閘白塘口閘辛莊羊塢頭村鹹水沽茶棚葛
沽村楊惠莊舊水師營西門外橋止長一萬一千
五百二十丈爲海河西隄自東門外至鹹水沽舊
有疊道係官商捐修爲往來通衢乾隆四年因土
埝殘缺水由海道漫入經前天津道陳宏謀照遙
隄之議詳准棄岸培道以禦之二十七二十九三

十六等年俱加培

縣志

西沽疊道在天津縣北自西沽北迤至桃花口界

於運河西沽之間卽天津縣驛路也共長二十五

里自乾隆以來屢次修築

新通志

自北門外祇樹園

起歷西沽踰淀河至丁字沽唐家灣王家莊劉家

園汎茶棚王秦莊桃花口止長三千二百三十九

丈五尺內四百四十一丈乾隆三年築外二千三

百二丈五尺乾隆十年築嗣於十三十六二十五

六七等年節經培修又接築五百五十餘丈

縣志

捷地減河隄壩自滄州捷地壩口起至劉三家莊

止長一百五里雍正四年築又有遙隄一道在南

坵之外起自于家莊迄於小吳家莊長五十餘里
其滾水壩於嘉慶十二年起高壩底龍骨二尺二
寸壩口寬八丈

新通志

興濟減河隄壩自青縣興濟鎮壩口起至老隄頭
止長八十三里雍正四年築其滾水壩於嘉慶十
二年起高壩底龍骨二尺壩口寬留八丈

靳官屯減河隄自靜海縣南靳官屯運河東岸起
東至天津興農鎮接盛軍所開營田之河止長九
十里此減河乃光緒六年新開者卽以所出廢土
培於兩岸築而成隄也

南減河涵洞一在滄州東北四十里子來屯南減河北岸一在子來屯東北二十里小吳家莊亦減河北岸一在小吳家莊東北十里閻家莊亦北岸由閻家莊東北又十里爲呂家莊有兩涵洞一在

南岸一在北岸

按北減河無涵洞

南運河諸口岸馮家口在南皮縣西北三十里與交河接界河東爲南皮河西爲交河寨里口在靜海縣運河東岸窩子口卽靜海縣治權家口在靜海縣北三里許運河東岸雍正五年議於此開引河後中止獨流口在靜海西北十八里

其西岸外與淀泊地鄰 辛口在獨流北二十里
運河東岸 柳口在辛口北十里天津縣西三十
里今名楊柳青亦與淀近 稍直口在柳口北十
里天津縣西二十里運河東南岸也 三岔口卽
三汊河在天津郡城東北里許下通海河 劈地
口在天津縣東南一百餘里卽海口

俱同上

天津縣諸隄

陸公隄舊志在西門外藏經閣前萬厯三十二年
教場口岸衝決浸城輒二十四層河防同知陸敏
捷請留兩營班軍修護城隄一道繞城西南二面

以絕水患至今名陸公隄

前志

考隄兩旁皆植柳故

又名柳林隄今西門外海會寺前所稱橫街者卽

陸公隄頭南門外倪家臺東有小徑達開口者卽

陸公隄尾其中閒一帶盡汗漫矣

縣志

大閘在天津縣城東南隅引海河潮水入濠小閘

二在大閘西北南城根下一在東南面水洞一在

西南面水洞

新通志

城東南角石閘一座引海河潮

水週城四面由南城水門入城水門上有引汲受

福四字

天津衛志

順治十年大水閉塞閘口水涸濠平

內外渠溝皆不能通士民公呈請詳撫院照舊開

濬歲久傾圯雍正十三年紳士于升等呈請知府

李梅賓募修乾隆元年知府程鳳文重修

縣志

大開

當是明永樂閒建天津衛城時舊制其水洞則康

熙十三年總兵趙良棟所設也

新通志

馬家口新開在城東南里許洩南流之水係前明

所建見五聖廟崇禎年磬文歲久淤塞乾隆五十

六年天津道喬人傑詳請修開二座一在舊口處

一在舊口迤東疊道頭會於故地掘見古閘一座

卽所淤塞者

縣志

賀家口閘去大閘十里由賀家口又東南十里爲

何家圈閘又東南十二里爲雙港閘又東南二十里爲白塘口閘四閘制同皆跨海河疊道上乾隆

二十八年修嘉慶十一年重修

新通志

馮家口引河閘舊志載吳家嘴圍田引用海河潮

水雍正五年於馮家口建閘引水

縣志

大沽引河閘在鹹水沽東五十里又梁家園黃家莊張滿莊邢家莊泥窩城上羊塢頭各有洩水溝

遇霖潦洩歸海

同上

青縣諸隄

老鴉隄在青縣東南舊築隄於此防衛河泛溢以

形似名汴將葛從周敗劉仁恭處也

前志引方輿紀要

神隄在青縣南衛河隄上有柳數百株永樂間知縣王彬以河決盡沒民居痛不能救投水而死屍漂入縣甬道官民憐之遂置祠隄上名曰神隄

河間

府志案此見前志與縣志所引不符辨見宦績

古隄周迴城北西南三面

縣志

東堂堰在青縣東北宋景德初知雄州何承矩請令滄州乾甯軍視斗門引潮入御河東堂堰以益唐水今皆湮廢

前志引方輿紀要

滄州諸隄

永濟隄清池縣西北五十五里有永濟隄二永徽

二年築唐書地理志

永濟北隄在縣南三十里開元十六年築

明溝河隄清池縣西四十五里有明溝河隄二永

徽三年築

李彪淀東隄徒駭河西隄皆在清池縣西五十里

永徽三年築俱同安瀾志以此為老黃河古隄新通

志

衡漳隄清池縣西四十里有衡漳隄二顯慶元年

築西北六十里有衡漳東隄開元十年築唐書地理志

浮河隄清池縣南十五里開元十年築

楊通河隄清池縣南十五里開元十六年築俱同上

金隄卽今衛河金人築元初復廣之州志

范家莊壩光緒十年疏濬東光滄南皮三州縣宣

惠河南北支流滄州官紳會商請於北岸范家莊

西建築計長百四十八丈下達蔡家窪匯石碑河

東流入海采訪冊

南皮縣諸隄

齊家堰在南皮縣西北二十里卽衛河東岸河流

到此湍悍迅激勢剝東岸明萬厯四十一年雨水

泛漲隄勢單薄知縣徐殷督工修築自北下口至
馮家口共計一千七百餘丈視舊隄加厚可憑永

久縣志按衛河卽南運河今隄
詳前此堰卽在日字號中矣

古河岸岸高丈餘闊三里許境內同環約三十里

同上

卧龍岡行水金鑑甯津縣西三十里有古黃河自

吳橋入又北入南皮廣可二里兩岸廢隄嵒然峭

立謂之卧龍岡又安瀾志慶雲縣亦有卧龍岡在

縣東南甯津河中亦老黃河南岸隄也新通志

慶雲縣諸隄

長城嶺在慶雲南三十里沿馬頰河而東在馬頰河南五里許安瀾志疑是馬頰古隄方輿紀要以爲齊之長城慶雲縣志或謂禹所築九河隄也

新志

徐家堰在陷河南汭河中前志云土人築之以障

水患

縣志

杜家堰在陷河北杜家莊後

夾隄圈古隄西接樂陵分爲二股中間地數里以兩隄相夾故名

溝洫之可考者十一曰黑牛王溝曰海子王家庄

溝曰紀家鋪溝曰火燒鋪溝曰柳行張家莊溝曰
窪裏劉家莊溝曰馬家橋溝曰後馬家莊溝曰杜
樹劉家莊溝曰高墓臺溝曰寶家莊溝

俱同上

津梁

天津縣

陰陽橋在郡城內

縣志

襪子衚衕橋在東門外十

餘步

錦衣衕橋在小關東北明錦衣衕指揮地

乾隆十一年造

賈家橋邑人楊守魁於河東北

賈家口支河造大橋一座長三十餘丈寬二丈乾

隆三十六年王起鳳等重修

王孝子橋在河北

崇禎觀西北按橋畔有王孝子家故名 方家橋
在王孝子橋西 慈惠寺橋在西門外里許前有
橋今廢昔年引城西濠水 安西橋在衛安門外
順宏治八年造 鴻溝橋在城西北角明景泰三
年造 石橋一在東門內地西大街通東北水道
一在北門外河北距城二里順治十一年造因無
轍迹又名仙橋 金吾橋在香林院側柳陰數里
邑人爲遊憩之所相傳卽錦衣衛橋 鹹水沽橋
在縣鹹水沽海河上 西沽浮橋距城三里康熙

五十四年建

俱同上

院署浮橋在三岔河西跨南

運河上本鹽院東渡後改浮橋同治中院署改爲

總督兼北洋大臣行臺光緒中改建鐵橋泰西匠

人承辦早晚放船往來以輪機引開紐合水陸均

便采訪冊鈔關浮橋在北門外距城半里許本北

馬頭渡康熙五十五年改爲浮橋鹽法道宋師曾

設縣志鹽關浮橋在東門外半里許雍正八年建

魚化橋在衛學儒星門內明成化乙酉建今廢

登瀛橋在衛學儒星門外康熙十二年建帶

河門橋 歸極門橋 鎮海門直橋 南斜街橋

口口口橋 八里臺村前引河內橋 李七莊

前橋 張家道口橋 大寺村前橋 蘆北口村

後橋 以上五橋皆乾隆三十六年重修 板橋在北浮橋迤北大

石橋南 大石橋在天慶寺南今改天清觀 天

慶橋在大石橋北 惠利橋在天慶橋北 俱同上

紅橋在惠利橋北百步跨子牙河水由橋下入白

河光緒 年改建鐵橋由泰西匠人承辦船往來

橋下無輪機開合與院署前異 采訪冊 鞏隄橋在

紅橋北百餘步係格淀隄頭橋 縣志 大紅橋在西

沽浮橋北南距鞏隄橋一里 直沽橋在丁字沽

南距大紅橋半里 汎安橋在直沽橋北五里唐

家灣西 玉橋在汎安橋北六里王家莊 福佑

橋在玉橋北五里桃花寺南 桃渡在福佑橋北

二里桃花口南

以上十三橋除板橋紅橋大紅橋三座外餘皆乾隆三十八年建

于家河橋在格淀隄上 王家河橋在格淀隄

上于家河橋西今廢 木橋在三隄頭新莊霍家

背南倉

以上三橋俱弘河洩水乾隆三十年建

金鐘石橋甯河縣

志在天津東南西隄頭津甯交界處乾隆十一年

建橋下卽場河淀入七里海之水道 西平橋在

海光寺北距河半里寺四圍築隄東南通賀家口

西北通城濠津門十景中所謂平橋積雪卽此今

廢 南平橋在海光寺南通百餘村鎮有閘以引海河潮水折而流入東園以灌斥鹵之田今廢

歡喜橋在海光寺西北角橋北草屋數椽下臨官道橋南綠楊夾岸掩映紅蓮春夏遊人少長咸集故名今廢 無礙橋在海光寺環渠上今廢 磨

菇橋在河東水關 西隄頭雙通盛橋在天津東四十里接甯河縣界同治十年建有王鍾霖碑記 木橋在大畢莊迤西乾隆十年疏賈家沽道引

河宣洩場河淀之水經此橋以達賈家沽道入於河一在大直沽正東八里宣洩場河淀之水由大

畢莊橋流經此橋以達賈家沽道今二橋俱毀

八里橋在大沽西八里 木橋在雙口淀河分流

處民建 閘橋七座城東南閘口閘馬家口閘賀

家口閘何家園閘雙港閘白塘口閘各一以上閘橋七座

俱乾隆二十九年水利案內建三十二年加寬

三取書院渡即真武廟 獅子林渡 金家窰渡 東

窰義渡 西窰義渡東西二渡均楚雄府知府李錦設 隄頭渡

新莊渡 西沽火神廟渡 于王莊渡 席廠

渡 霍家窰渡 柳臺渡 南倉渡 王家莊渡

魚化橋渡 北倉上下義渡此二渡均舉人曹步青設 桃

花寺渡 李家嘴渡 下蒲口渡 上蒲口渡

淖口渡 以上均北運河渡 王白石門前渡 鹽院署東

渡 改浮橋即今鐵橋 鹽院署西渡 大王廟渡 北馬

頭渡 康熙中改浮橋 茶葉店義渡 乾隆二十七年準提庵僧岫山募設

肉市口渡 趙家場渡 蓮提庵渡 梁家嘴渡

芥園渡 大園渡 福壽宮渡 大稍直口渡

梁家莊渡 楊柳青下渡 楊柳青上渡 碾

坨嘴渡 以上南運河渡 西沽義渡 康熙閒改為浮橋 韓家樹

渡 三河頭渡 以上淀河渡 新河渡 楊柳青後渡

地里阜渡 以上子牙河渡 玉皇閣義渡 王樞設 天后

宮義渡

楚雄府知府李錦設

鹽關渡

雍正間改為浮橋

龍王廟

義渡

查氏設

小聖廟渡

馬家口渡

火神廟渡

行宮渡

即寶船口渡

田家莊渡

即賀家口渡

土城渡

陳唐莊渡

何家園渡

灰堆渡

馮家口義

渡

楚雄府知府李錦設

雙港渡

白塘口渡

後辛莊渡

郭家莊渡

南羊碼頭渡

于家莊渡

鹹水

沽渡

西泥沽渡

盤沽渡

葛沽渡

羊回莊

渡

蠻子營渡

鄧善沽渡

大沽渡

以上海河渡

晏公廟渡

在河北

寇家口渡

在縣東南十里俱同上

案以上俱本縣志但志有舊有續兼錄不覈遂多重出知者已刪恐尚不盡且即同見續志亦恐不

實如院署西渡近接大王廟今此處只一渡俗呼刷紙廟斯類應不止一也

青縣

通濟橋在縣東衛河今廢縣志 馬家橋在縣西十

里 馬有功橋卽興濟閘橋 永安橋在城南門

外知縣劉琨建今廢 登瀛橋在縣南七十里杜

林鎮臨滹沱河明天啟九年建 升仙橋在縣南

今廢 高家橋在縣西八里今廢 李三橋在縣

南八十里 木門橋在縣西南三十里 盤古橋

在縣西南三十五里康熙二十七年建乾隆八年

嘉慶四年俱重修 新集橋在新集鎮東咸豐元

年重修改名會瀛橋 太極橋上接半截河下通

清水溝道光二十五年重修 趙官營橋在趙官

營西 張宏橋在縣西十里王鎮店南跨子牙故

道 萬善橋在廣福樓前 吳召橋在西南三十

五里黑龍港 土橋在興濟鎮北二里跨減河上

爲南北通行大路 打虎莊橋在打虎莊東南跨

減水河乾隆十七年修 小牛家莊橋在小牛家

莊 北街渡 舊在城隍廟後乾隆二十二年改至廟前 南街渡 中

街渡 以上三渡俱在縣城東 流河渡 興濟南渡 卽古范橋渡

興濟北渡 窩子渡 在城南十五里 南蔡莊 光緒元年改設

渡在城外水次 屯渡在城外水次 花園渡俱同上

靜海縣

瓦子頭長橋縣西南二十五里跨子牙河上為靜海大城分界乾隆二十九年建同治五年重修縣志

于家莊東西石橋縣東八十里

在城渡一在十字街一在真武廟西一在南閣北碾坨背渡與天津縣接界

雙塘渡縣南十里長屯渡縣南二十里辛口渡縣北

三十里沙窩渡縣北三十里岳家園渡縣北二十里獨

流鎮渡南北中三口劉家營渡縣北二十里河灘

渡 陳官屯渡 釣臺渡縣南二十里高官屯渡縣南

三十里 新莊渡以上俱南 趙家窪渡 北五里

莊渡縣北 當城渡縣北三 水高莊渡縣北二

第六堡渡縣北二 唐官屯渡縣南五 宋家

馬道渡縣西北二 子牙河渡縣西北 楊柳青

渡在縣北四十五里東去天津四十餘里地

滄州

流水板橋在州前徐家衙街口凡城內大街之水

皆從橋下東流入坑今廢州志 缸市街橋書鋪街

橋均在西關外道光十二年州人李輔同當商何

世慶等重修 東關大石橋在城東四十里 通

濟橋在南關河下 板橋在小南門外雞市街

普濟橋在南關外迤東乾隆六年州人崔世錫等

建 清真巷橋在清真巷 南關小石橋在城南

關外 南清真寺西橋 真武廟橋在城北真武

廟前今廢 馬家橋在西北小街子南 北月橋

在北門外光緒七年重修

碑記北月橋者前明隆慶年間所重建其初建

也不知始於何年亦不知幾經修造而傾圯敗壞

每逢暑雨即斷行人嗚呼斯橋也宜洩瀝水之通

渠往來行人之要路豈可廢弛而不知修哉天德

水局首事從九品陳峻山素行好義遇事敢爲觀

斯橋圯缺即慨然思復光緒七年辛巳春商同會

田鳳鳴董樹茂王化雲等倡捐布施併工營修整

牢固煥然一新斯役也於是年四月二十日興工

六月二十日工竣橋比舊制高增五尺橋空闊增

五尺東西大道高增三尺闊增二丈橋外蓄水池
徧栽蘆葦池畔栽柳以作歲修之資又恐其日久
滋弊也乃復商同會友公請總鎮德公本州州主
趙公出示立案並公擬章程數條以杜後患嗚呼
倡斯舉者屢矣其思之深計之遠惟陳子峻山爲
最自今伊始出斯途者可以無憂窘步矣而說者
謂北月橋爲城北護煞有關本城文風尤見
斯橋宜與吾滄並垂不朽也夫是以爲記 騎

鯨橋一名西市橋金大定中建以便東路戎馬之
往來元人復廣金隄水勢加峻遂致坍塌 觀鐙

橋在城南古水月寺西每上元節州人於此觀鐙
明宣德十年寺移城北此橋遂廢以上在城內外 捷地

橋一名觀音橋在城南十二里跨減水河崇禎九
年州人李嘉善等建今廢張文炳觀音橋記節錄
濮滄以一郡界在津臨

之閒其西則襟帶長河曉纒迷煙暮燒破月凡吳越諸蕃無不繇此以達神京每至春融冰泮挂帆而至者固不可以指數矣至與馬奔逐紛塵雜沓更爲南北一大衝衢焉離城約十餘里有名爲捷地者固津衛屯地也自河干接遠迤邐而東蒼茫雲樹映帶茅茨其閒聚廬而處者不下數百家然而多隱君子將所謂鳴珂里不是過也南望人境之盡早壠平原悉皆康莊坦境但有沮洳一區來自河堰之旁橫截東注曩亦小構椎杓聊爲利濟每值伐鼓舞羊之歲水激清浮輒爲湍潦所漂弱者獨有憂之爰就諸善士而謀之曰是必非一負薪捧土之所能爲也更安所得東明弓以擊水乎固非移北山之石則不可於是聚眾鳩工洪維相度資費浩繁罔不贍給雖不必螭龍飛梁如張衡所賦而鑿銷建豎厯幾歲月而始告成橋成而後請記

於余

嫌廠店橋一名于家橋亦南北通津雍正

八年州人于士宏倡建嘉慶十九年州人劉清樑

重修並捐田爲歲修費 茶棚橋在城南十五里

風化店橋在城東二十五里明宏治八年建

忠風化店新橋記節錄滄州南名絕隄舊有減水
河一道置閘以時啟閉東北行可三百里而
絕海也由至風化店一舍凡山東諸路及長
蘆南十二場皆由此濟而爲要津也徒行與馬日
無慮千百水泛溢雖有舟楫每患漂溺水淺則苦
於褻涉也由是修善之人佈施勸募伐木石鳩工
匠謀作橋而利人也首築河底堅實樹以石柱凡
五空上密加之堅木以蘆葦厚覆之實以土此橋
之制也經始於宏治辛卯之十二月吉日至明年
壬子三月朔日成此作橋之總其事者郭
普名徐普名而同心協助者則朱福名也橋梁本
有司事而三人者乃能効力不煩有司
亦見其仁心之而足嘉尙也使充是心而周
貧恤孤扶顛濟危又能裨益聖化之萬分一而進
爲之善人也橋
成請予言鑲諸石

國朝道光二十六年知州李步瀛重修村中又有東

大橋西大橋南大橋 白兔莊橋跨減河在州東

南三十里道光六年本莊人楊允梧楊洵集捐勸

修光緒十年楊允正楊德魯重修

勸修碑記節錄
澹州城東之白

兔莊自乾隆三十六年挑挖新河舊有橋梁行人
無阻隔之虞逆旅慶馳驅之便迄於今日久年深
風雨傾頽徒步人來不得臨流以渡乘車者至每
歎自涯而還有楊允梧奉母之命與楊祿豐慈惠
村莊共為利濟之占因具重修之意聞莊人等隨
分捐資左右鄉村施財相助於是置木石者涉水
跋山數往來而不辭其苦督工匠者夙興夜寐冒
風雨而罔憚其勞其力既勤其功易舉於道光六
年四月上旬而此橋告竣焉 重修碑記蓋聞橋
梁所係為村莊往來要津自道光六年先世建議
公同鄉鄰協力勸修迄今六十餘年人免臨河之
歎車無濡軌之憂舟子之招可無煩絮詠焉不意

於光緒十年十月間忽被凌板撞塌竊慮工程浩大獨力難成又幸蒙莊鄰友愛共相捐資贊助是以庀材鳩工不逾月而全功告竣
采訪冊 李天木辛莊橋跨減河

在州東四十五里道光八年州人董靜亭倡修光

緒十一年重修 小吳家莊橋跨南減河在州東

北五十里 官莊橋跨南減河在州東北六十里

何家橋在城東北九十里 呂家橋在城東北

一百里
以上跨南減河 楊家橋在城南三十五里光緒

十年重修 高家新莊橋在州東南十里光緒六

年重修 小王莊橋在州東南三十五里光緒十

三年重修 駕虹橋在舊城東關明萬厯中知州

盧廷選建

國朝康熙元年蕭家樓河決乾隆初重修嘉慶二年

知州周世榮重建二橋築疊道三百餘丈諸生龐

長年龐侃襄其事 舊州北關橋有疊道在新州

東南四十里久廢嘉慶三年知州周世榮重修築

疊道一百七十餘丈

重修碑記節錄 嶺之舊城在今州治東四十里北達神

京東連青濟固畿南

一要衝也 第地勢卑下眾流

環繞有妨行旅故東北兩關舊有疊道以通往來

並建橋座以疏積水其有德於往來行人甚鉅自

乾隆十年來漸淪傾圮迄今五十餘載蕩然無存

每夏秋漲潦行者病涉是豈古道路橋梁歲加葺

治之意歟余承乏茲土過其地輒思振舉以復舊

觀乃勸諭紳士商民續茲義舉且與寅好捐俸以

倡於是樂輸者全集又得諸生龐長年龐侃等不

光緒戊戌

憚勤勞分任厥事北關重建橋二座修築疊道三百餘丈東關修葺橋三座補築疊道一百七十餘丈經始於本年三月至五月而兩處鉅工告成夫事不期難期有益於治政不在大在有裨於民此舉雖微而農氓安於野行旅歡於途彼董事捐貲諸人或盡其勞或助其費誠可嘉也故爲文勒諸石并附各勸事姓名於後
俾急公慕義者有所勸焉
高堂橋在州東南

流口橋在駕虹橋東北州東南四十五里 道安

橋在城東六十里今廢
以上跨石碑河
天潢橋在瑋壁

莊後乾隆年建光緒十一年知州趙秉恆重修

普濟橋在劉家莊前光緒十二年建 半石橋在

北良莊後光緒十一年知州趙秉恆建一名通政

橋 新縣橋在新縣鎮光緒十一年知州趙秉恆

重修 羅疇橋在羅疇莊光緒十一年知州趙秉

恆重修 同文橋在城南東宋村莊以上跨宣惠河 良

口橋在州東北六十里 韓家橋在州東北六十

里 乾符橋在州東北八十里 同居鎮橋在興

濟東北鹽河今廢以上跨北減河 紀家橋在城南三十

里 趙家橋在城南三十五里 會通橋在舊城

西沈家鋪凡河決之水皆自此北流入海康熙元

年河決衝圯乾隆四年復修今廢 望海市橋在

城東四十里今廢 卜老橋在城東南七十里今

廢 小紅橋在州東北七十里今廢

蓮花渡

即南北渡南北通津道光八年州人宋廣泰捐修

菜市口渡

嘉慶

十六年州人宋文成捐修

西關渡

嘉慶十四年十六年州人宋文成募修二十五年知

州寶景燕重修道光二十一年州人王晴圃等重修

插花廟渡

今廢

聚寺

廟渡

城西一里

廠門口渡

今廢

火神廟渡

今廢

神門

口渡

今廢

宗家口渡

今廢

戴家園渡

城西北二里

小

聖廟渡

今廢

銀子窪渡

城西北二里

捷地渡

在州南縣河鎮

同上俱

南皮縣

登雲橋在學宮前邑令李正華建

縣志

興化橋在

興化寺前光緒十一年縣人張怡等重修

通濟

橋在東關 會川橋在南門西 門家橋在王莽

河 穆家橋在城北 張二橋 潞灌六橋在潞

灌莊 砥柱橋在縣東南十里 蕭家橋在縣東

南五十里枕禹津河乾隆二十三年建有碑記 東

通濟橋在劉少煦莊枕宣惠河同治十二年重修

侯家橋在蘆莊 琵琶張橋均枕宣惠河 宣

惠橋在城東三十里枕宣惠河雍正年邑人張潘

修今廢 刁家橋 龍堂橋在龍堂村西北二里

枕宣惠河光緒年建東通滄州界 倪家橋在倪

家廟前 萬家橋在半壁店跨永濟河上

泊頭鎮義渡

在運河明邑令李正華設有碑記

續施義渡

明天啟元

年張氏設

薛家窩義渡

俱同上

鹽山縣

厚俗橋在南關厚俗門外為山東三省往來孔道

康熙十六年王璈建

縣志

敷德橋在西關敷德門

外亦東省往來孔道

阜物橋在東關阜物門外

韓家橋在縣南十里

劉家橋在縣西南十里

大王鋪橋在縣東南十里

黃家莊橋在縣東

三十里

高家灣橋在黃家莊東

以上俱跨宣惠河

普

惠橋在崔家口西距縣五十里康熙七年建跨老

黃河架木

邵汝德募修普惠橋記飾錄崔家口鎮之進北一里許有河相傳爲黃河故道

所由東北入海者也自元人排河入淮河道南徙此流遂絕然至今猶稱河河當縣鎮往來之衝凡之縣若鎮咸取道於河不之河而之縣之鎮無繇也

通濟橋在程村東半

里許距縣四十里康熙七年建乾隆二十二年修

毛家橋在崔家口東五里乾隆二十三年修

二橋跨馬頰河

邊家務橋在務南距縣十里 羊爾莊

三橋在鎮南一在關帝廟一在藥王廟一在土地

廟前 宣惠橋在高灣鎮南嘉慶十九年重修又

西橋亦嘉慶十九年重修 程村橋在縣東北跨

明白窪溝 協力橋在刁莊北嘉慶二十一年建

咸豐六年重修 惠成橋在清水溝北地爲南北
通衢咸豐六年重修 無棣橋在路家莊南 新
店橋在村東爲往來孔道道光七年重修 公義
橋在縣東南段家莊宣惠河上貢生李鈞建 海
溝橋在趙家鋪俱同上

慶雲縣

歲甘橋在東關南舊名東通濟橋乾隆二十一年
知縣甘怡重修總督方觀承改題今名有碑道光
二年陽信武生孫槌重修光緒十三年候補道金
福會重修采訪冊 西通濟橋在西關邑人王豐純

王長清先後重修光緒十三年重修

以上俱跨老黃河

馮家橋在縣東北十里光緒十三年重修

麻灣

橋在縣東北二十里光緒十三年重修

以上四橋跨高津河

保安橋光緒十三年重修

俱同上

棗園橋在縣

東南三十里長里許接海豐界乾隆閒邑人張連

城重修

縣志

按方輿紀要慶雲縣有棗園店橋長里

許跨故河上又有南家橋在東三十里亦跨故河

上今南家橋無可考故河卽馬頰也 月陽橋在

縣東南二十二里明貢生宗汝甯建張拱齊希賢

各重修 任家橋在縣東南十五里一名三陽橋

胡悅然劉尙文重修 紀王橋在縣南三十里一

名吉坊橋明張允時建乾隆初重修有碑記嘉慶

十二年王永盛等重修

按光緒十七年重修 以上四橋皆跨馬頰河上

南臺橋在縣東北 中通濟橋在迎薰門外今

廢 映波橋在通濟橋西二里今廢 鎖瀾橋在

歲甘橋東今廢 迴瀾橋在縣東五里劉岳建今

廢

俱同上

蔣家橋在縣東四十里光緒二年重修

采訪冊

跨虹橋在撒家店北今廢

縣志

李用橋在

縣北二十里李扶重修今廢 黑牛王橋在縣西

北十餘里無棣溝上今廢

俱同上

卷二十一終